



Broj: 06-1-07-3-29/23  
Sarajevo, 02.03.2023. godine  
E.K.

Na osnovu člana 2.9 stav (1) tačka 9, a u vezi s članom 9.14 i 9.19 Izbornog zakona Bosne i Hercegovine ("Službeni glasnik Bosne i Hercegovine" broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22) i članom 58 h. Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, broj: 75/22 i 83/22), Centralna izborna komisija Bosne i Hercegovine je na 25. sjednici održanoj 02.03.2023. godine, donijela

## O D L U K U

### o utvrđivanju rezultata posrednih izbora za predsjednika i potpredsjednike Federacije Bosne i Hercegovine

Centralna izborna komisija Bosne i Hercegovine utvrđuje rezultate i ovjerava da su posredni izbori za predsjednika i potpredsjednike Federacije Bosne i Hercegovine provedeni u skladu sa odredbama Izbornog zakona Bosne i Hercegovine, te da su za predsjednika i potpredsjednike Federacije Bosne i Hercegovine izabrani:

- a) **Lidija Bradara**-predsjednica Federacije Bosne i Hercegovine
- b) **Refik Lendo**-potpredsjednik Federacije Bosne i Hercegovine
- c) **Igor Stojanović**-potpredsjednik Federacije Bosne i Hercegovine

## O b r a z l o ž e n j e

Centralnoj izbornoj komisiji Bosne i Hercegovine, u skladu s članom 58. h Uputstva o postupku provedbe posrednih izbora za organe vlasti u Bosni i Hercegovini obuhvaćenim Izbornim zakonom Bosne i Hercegovine, Predstavnički dom Parlamenta Federacije Bosne i Hercegovine je dostavio akt, broj: 01-02-573/23 od 16.02.2023. godine, te u prilogu cjelokupan izborni materijal u vezi s provedenim posrednim izborima za izbor predsjednika i potpredsjednika Federacije Bosne i Hercegovine, koji čine: Izvještaj sa 2. Vanredne sjednice Predstavničkog doma Parlamenta Federacije BiH, listu poslanika – zastupnika Predstavničkog - Zastupničkog doma Parlamenta Federacije Bosne i Hercegovine, poimenično glasanje na 2. Vanrednoj sjednici Predstavničkog Doma i Odluku o prihvatanju – odobravanju liste tri kandidata za izbor predsjednika i dva potpredsjednika Federacije Bosne i Hercegovine, broj: 01-02-573/23-1 od 16.02.2023. godine, te je dostavljen i akt Doma naroda Parlamenta Federacije Bosne i Hercegovine, broj: 02-02-702/23 od 20.02.2023. godine, te u prilogu cjelokupan izborni materijal sa 2. vanredne sjednice Doma naroda Parlamenta Federacije BiH, održane 16.02.2023. godine, koji čini: Spisak pristutnih delagata na 2. Vanredenoj sjednici, poimenično izjašnjavanje delegata o prihvatanju odluke o izboru predsjednika i potpredsjednika, Odluku o prihvaćanju-odobravanju liste od tri kandidata za izbor predsjednika i dva potpredsjednika Federacije BiH, DNbroj : 02-02-573/23 od 16.02.2023. godine.

Članom 9.14 Izbornog zakona Bosne i Hercegovine propisano je da: „Izbor za predsjednika i dva potpredsjednika Federacije Bosne i Hercegovine zahtijeva prihvatanje liste koju sačinjavaju tri kandidata i koja uključuje po jednog kandidata iz svakog konstitutivnog naroda predloženog u odgovarajućem klubu konstitutivnog naroda, u Predstavničkom domu, a zatim u Domu naroda. Izbor za predsjednika i dva potpredsjednika Federacije vrši se javnim glasanjem, osim ako dom drukčije ne odluči“.

Nadalje, odredbama člana 9.15 stav (1) i člana 9.16 stav (1) propisano je, između ostalog, da listu odobrava Predstavnički dom ukoliko je podrži **većina poslanika** koji su prisutni i glasaju i da se lista

dostavlja Domu naroda na odobravanje, te da Dom naroda odlučuje **većinom glasova delegata** koji su prisutni i koji glasaju u roku od 30 dana od prijema liste koju je odobrio Predstavnički doma.

Na osnovu uvida u dostavljeni izborni materijal utvrđeno je da je Predstavnički dom Parlamenta Federacije BiH, većinom od 97 prisutnih poslanika podržao sa 96 glasova „ZA“ i jednim (1) glasom „PROTIV“ prethodno ovjerenu listu od strane Centralne izborne komisije BiH koju čine: Lidija Bradara - kandidat za predsjednika/potpredsjednika Federacije Bosne i Hercegovine iz Kluba hrvatskog naroda, Refik Lendo - kandidat za predsjednika/potpredsjednika Federacije Bosne i Hercegovine iz Kluba bošnjačkog naroda i Igor Stojanović - kandidat za predsjednika/potpredsjednika Federacije Bosne i Hercegovine iz Kluba srpskog naroda, te istu dostavio Domu naroda Parlamenta Federacije Bosne i Hercegovine na dalje odlučivanje.

Dom naroda Parlamenta Federacije BiH, prihvatio je Listu od tri kandidata za izbor predsjednika i dva potpredsjednika Federacije Bosne i Hercegovine većinom od 79 prisutnih delegata, bez glasova „PROTIV“ i bez „SUZDRŽANIH“.

Dana 24.02.2023. godine od strane Predstavničkog doma Parlamenta Federacije BiH dostavljen je akt broj: 01-02-821/23, te u prilogu istog obavijest potpisanu od strane Lidije Bradare i Igora Stojanovića, te dopis nadležnim institucijama, potpisan od strane Refika Lende i Izvod iz Zapisnika sa održanog sastanka dana 24.02.2023. godine u 10.00 sati, na kojem su prisustvovali izabrani kandidati: Lidija Bradara, Igor Stojanović i Refik Lendo, na kojem je zaključeno da nije postignut dogovor o izboru predsjednika i potpredsjednika Federacije Bosne i Hercegovine, te da će konačnu odluku donijeti Predstavnički dom Parlamenta Federacije Bosne i Hercegovine.

Članom 9.19 stav (1) Izbornog zakona propisano je: „Tri kandidata izabrana u skladu s članovima 9.13 do 9.18 ovog Zakona odlučuju između sebe koji od njih će obavljati funkciju predsjednika. Ukoliko se dogovor ne postigne, o tome će odlučivati Predstavnički dom..“

Budući da na sastanku održanom 24.02.2023. godine nije donesena odluka o izboru predsjednika i potpredsjednika Federacije Bosne i Hercegovine, dana 28.02.2023. godine Predstavnički dom Parlamenta Federacije Bosne i Hercegovine na 4. sjednici održanoj 28.02.2023. godine donio je Odluku o izboru predsjednika i dva potpredsjednika Federacije Bosne i Hercegovine broj: 01-02-949/23-1 sa 58 glasova „ZA“, 35 glasova „PROTIV“ i jedan „SUZDRŽAN“, kojom je za predsjednicu Federacije Bosne i Hercegovine izabrana Lidija Bradara, dok su za potpredsjednike Federacije Bosne i Hercegovine izabrani Refik Lendo i Igor Stojanović.

Imajući u vidu da su ispunjeni svi zakonski uslovi za utvrđivanje i ovjeru rezultata izbora za predsjednika i potpredsjednike Federacije Bosne i Hercegovine i da su posredni izbori za predsjednika i potpredsjednika Federacije Bosne i Hercegovine provedeni u skladu sa Izbornim zakona BiH, Centralna izborna komisija BiH je, u skladu s članom 2.9 stav (1) tačka 9, a u vezi sa članom 9.14 i 9.19 Izbornog zakona Bosne i Hercegovine, odlučila kao u dispozitivu ove Odluke.

**Pravna pouka:** Protiv ove odluke, u skladu s članom 6.9 stav (1) i stav (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva (2) dana od dana prijema ove odluke, koju Centralna izborna komisija BiH dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata na broj 033/251-329, elektronskom poštom na e-mail adresu kontakt@izbori.ba ili neposredno u sjedište Centralne izborne komisije BiH, Ulica Danijela Ozme broj 7, Sarajevo.

Zamjenjuje predsjednika

Dr. Ahmet Šantić, član



Dostaviti:

1. Predstavnički dom Parlamenta FBiH,
2. Dom naroda Parlamenta FBiH,
3. a/a.